



Inatsisartut Ilaqutariinnermut Peqqissutsimullu Ataatsimiititaliaat

Ilaqutariinnermut Peqqissutsimullu ataatsimiititaliap 19. oktober 2015-imi utoqqalinermi utoqqalinersiat pillugit apeqqutaannut akissutit.23. oktober 2015
Sagsnr. 2015-116689
Dok. Nr. 2047302

- 1) Saniatigut tapinik qanoq ittunik kommunit maanna atuinersut paasissutissiissutigineqassasoq ataatsimiititaliamit kissaatigineqarpoq. Tamatumani utoqqalinersiallit aappariit kisermaallu eqqarsaatigalugit.**

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ilan@nanoq.gl
www.naalakkersuisut.gl

Tamanna pillugu Naalakkersuisut kommunit apeqquteqarfigisimavaat.

1. Qaasuitsup Kommunua

Utoqqalinersialinnut kisermaanut qaammammut 4.000 kr.

Utoqqalinersialinnut aappariinnut qaammammut 6.000 kr.

2. Qeqqata Kommunua

Utoqqalinersialinnut kisermaanut qaammammut 4.300 kr.

Utoqqalinersialinnut aappariinnut qaammammut 7.300 kr.

3. Kommuneqarfik Sermersooq

Utoqqalinersialinnut kisermaanut qaammammut 6.000 kr.

Utoqqalinersialinnut aappariinnut qaammammut 9.000 kr.

4. Kommune Kujalleq

Utoqqalinersialinnut kisermaanut qaammammut 4.200 kr.

Utoqqalinersialinnut aappariinnut qaammammut 6.000 kr.

- 2) Inatsisip atuutsilernissaa ulloq 1. juli 2016-imut kinguartinneqaraluarpat tamanna 2016-imi ukiunilu missingersuusiorfiusuni aningaasaqarnikkut qanoq kinguneqassava?**

Utoqqalinermi utoqqalinersiaqalersinnaanermut killigitiap 1. juli 2016-imut kinguartinneqarneratigut tamatumani 1. januar 2017-imi qaffaasoqarnissaanik siunniussaqaarnikkut aningaasartuutit 16 mio. kr.-it missiliorlugit annikilleriarnerannik kinguneqartussaassaaq. Akileraarutitigut isertitassaagaluit ilanngukkaani aningaasartuutit 10 mio. kr.-it missaannik appariaateqassallutik.

1. juli 2016-imut utoqqalinersiaqarsinnaalernissamut killiliussamik qaffaassinissaq kinguartinneqassappat, tamanna 2017/2018-mi taamatullu 2021/2022-mi aningaasartuutit qaffaateqarnerannik kinguneqartussaassaaq,

ukiut pineqartut tamaasa 20 mio. kr.-it miss. katillugillu 40 mio. kr.-it missaanik naleqartussanik.

- 3) **Utoqqalinersiaqalernissamut ukiorititat siunnersuummi allassimasumut sanilliullugu 66-inut aamma 67-inut qaffanneqarnissaat kinguartinneqarpat tamanna ungasinnerusoq isigalugu aningaasaqarnikkut qanoq kinguneqassava?**

Utoqqalineranut utoqqalinersiaqartitsisarnermi ukiut killigitat ukiumik ataatsimik qaffanneqarnerisigut 2017/2018-mi taavalu 2021/2022-mi ukiuni pineqartuni tamani aningaasartuutit 40 mio. kr.-it missaanik katillugillu 80 mio. kr.-it missaanik qaffattussaassapput.

- 4) **Siunnersuummut nalinginnaasumik nassuiaatini oqaatigineqarpoq utoqqalinersiaqarnermi nammineq napatissinnaasumik aaqjissuusseqqinneq naammassineqassappat pingaaruteqartoq utoqqalinersiat pillugit inatsisip makkuninnga ilapittuuteqartinneqarnissaa**
a) **suliffeqarnikkut utoqqalinersiaqarnek pitsaannerusoq**
b) **nammineq utoqqalinersiassanut katersisarnernut aaqjissuusineq kiisalu**
c) **sanngiinnerpaamik inissisimasunut immikkut utoqqalinersiassanut akiliussisarnissaq**

Utoqqalinersiassanut aaqjissuusinerit a-c)-miittut pingaarnertut imarisaat itisiliissutaasumik nassuiaatigeqqullugit aammalu taakku qaqugu saqqummiutilersarneqarnersut paasissutissiissutigeqqullugu Naalakkersuisut qinnuigineqarput.

Naalakkersuisut inatsisissamik siunnersuusionertik ingerlatileruttorpaat, tamatumani lu siunniunneqarluni isertitarisat 10%-iusut annertussuseqartut utoqqalinnissamut sipaarutigineqartalissasut. Tamatumani isertitakinnerit akunnattumillu isertitallit nammineerlutik utoqqalinersiassap isertitarisimasap 70%-la qaangerlugu isertitariinnartassagaat anguneqarsinnaasassaaq, tamatumani pisortat aningaasaliissutigisartagaat ilanngunneqarpata.

Annertunerusumik isertitallit nammineerlutik 17%-imik katersitinneqartalernissaat siunertarineqarpoq. Maannakkut tamanna 10-15%-it miss. inissisimavoq. Qaffaanerup kingunerisussaassavaa, taakkua katersatik aqputigalugit utoqqalinerminni imminnut napatissinnaasarnissaat.

- 5) **Siunnersuutip saqqummiunneqartup kingunerisaanik kisermaanut atugassarititaasut ataatsimiititaliamit immikkut eqqumaffiginiarneqarput. Kisermaanut utoqqalinersialinnut maleruagassanut atuuttunut sanilliussinikkut siunnersuutip kisermaanut kingunerisassai nassuiaatigineqassasut ataatsimiititaliamit qinnutigineqarpoq. Ataani allassimasut kisermaanut soraarnerussutislanut tapit qaffanneqarnerisa aningaasatigut kingunerisassat matumani suliamut atatillugu nassuiaatigineqarnissaa ataatsimiititaliamit kissaatigineqarpoq;**

- 300 kr. qaammammut
- 500 kr. qaammammut imaluunniit
- 1.000 kr. qaammammut.

2013-mi qarasaasiatigut kisitsisaatit toqqammavigalugit naatsorsulsoqarsimavoq, taamatullu 2013-mi kisitsisaatit takutippaat, ukiumut aningaasartuutit 7 mio., 12 mio. aamma 24 mio. kr.-inik ukiumut qaffaateqarumaartut, tamatumani utoqqalinersianut kisermaamut tapeq 3.600 kr.-inik, 6.000 kr.-inik aammalu 12.000 kr.-inikqaffanneqarsimassappat.

- 6) Tamatuma peqatigisaanik ineqarnermut tapiissutit pillugit siunnersuut UKA 2015/161 ataatsimiititaliamit suliarineqarpoq. Utoqqalinersiaqarneq pillugu siunnersuut ilusimisut iluseqartoq akuerineqassappat ineqarnermut tapiissutit pillugit siunnersuut kisermaanut qanoq sunniuteqassanersoq imaluunniit apeqqummi 5-imi allassimasutut utoqqalinersianut tapiissutit qaffanneqassanersut nassuiaatigineqassasoq ataatsimiititaliamit kissaatigineqarpoq.**

Ineqarnermut akiliutinut tapisiaasartuq utoqqalinermit utoqqalinersiaqartut akornanni amerlanerpaanut soqutiginaateqartuusarpoq. Isertitarisat 4.000 kr.-inik nikeriartarneranni nammineerluni akiliutigisassaq 3-4%-inik allannguallattarpoq.


Ineqarnermut akiliutinut tapiissutaasartut isertitarisat nikiállanneranni annertuumik sunniuteqarsinnaasarnanun tunngatillugu, taava 4.000 kr.-inik isertitaqqortunerulersimagaanni ineqarnermut akiliutinut tapiissutit 3-4%-imik appaallatsinneqartalissapput. Ukiumut 40.000 kr.-inik ineqarnermut akiliuteqartarsimagaanni, tamanna 1.200 – 1.6000 kr.-it missaanik aningaasannorlugu naleqartussaassaaq. Tamanna imatut aamma paasineqarsinnaavoq utoqqalinersialik utoqqalinersiap qaffanneqarneratigut isertitaqqortunerulaalersutut misigitinneqarneranik.

Taamaattorli aamma imatut pisoqarsinnaasassaaq, utoqqalinersiutit 100 kr.-inik arlallalunnguanik qaffanneqarneratigut, tamatuma kingunerisinnaassammagu ineqarnermut akiliutinut tapsiap 3-4%-imik appaallatsinneqarneranik, taamaattorli tamatumani utoqqalinermit utoqqalinersialik siumut utoqqalinersiaminik qaffaavigineqarsinnaassaaq tamatumani ineqarnermut tapisiatigut annaasaqanngikkaluarluni.

- 7) Utoqqalinersiaqalernissamut ukiorlitat qaffanneqarneranni tjenestemandit pillugit inatsimmi maleruagassanun isumaqatigilissutinullu allanut sanilliullugu ajornartorsiutaalersut qanoq qaqugulu illiuseqarfiginarneqarpat aammalu tamanna aningaasaqarnikkut qanoq kinguneqassava?**

Naalekkersuisut isumaqatigivaat naapertuunnerpaassammat tamanna apequt
misissuataarneqassappat Inatsisip akuersissutigineqarnerata kingunerisaanik
nalliersuinerni.

Inussiarnersumik Inuulluaqqusillunga



Martha Lund Olsen